



Broj: 07-11-1046/21  
Vogošća, 31.08.2021. godine

Na osnovu člana 69. stav 2. tačka tačka d) Zakona o javnim nabavkama BiH ("Službeni glasnik BiH" broj: 39/14) i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 31.08.2021. godine donio je

**ODLUKU  
O PONIŠTENJU OTVORENOG POSTUPKA NABAVKE RADOVA NA IZGRADNJI  
DISTRIBUTIVNE GASNE MREŽE NA PODRUČJU MZ VOGOŠĆA I, U ULICAMA  
KRIVOGlavci I i II (III FAZA), NA PODRUČJU OPĆINE VOGOŠĆA**

**Član 1.**

Poništava se Otvoreni postupak nabavke radova na izgradnji distributivne gasne mreže na području MZ Vogošća I, u ulicama Krivoglavci I i II (III faza), na području općine Vogošća broj: 07-11-1046/21, jer nijedna od primljenih ponuda nije prihvatljiva, a u skladu sa članom 69. stav 2. tačka d) i članom 72. stav 3. tačka b) Zakona o javnim nabavkama BiH ("Službeni glasnik BiH" broj: 39/14).

**Član 2.**

Ovom Odlukom stavlja se van snage Odluka o izboru najpovoljnijeg ponuđača za izvođenje radova na izgradnji distributivne gasne mreže na području MZ Vogošća I, u ulicama Krivoglavci I i II (III faza), na području općine Vogošća broj: 07-11-1046/21 od 23.08.2021. godine.

**Član 3.**

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 30.06.2021. godine donio Odluku o pokretanju Otvorenog postupka nabavke radova na izgradnji distributivne gasne mreže na području MZ Vogošća I, u ulicama Krivoglavci I i II (III faza), na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 30.06.2021. godine pod brojem: 1353-1-3-114-3-87/21.

Sažetak Obavještenja o nabavci objavljen je u "Službenom glasniku BiH" broj: 42/21 od 09.07.2021. godine.

Nakon provedene Zakonom propisane procedure, dana 23.08.2021. godine Općina Vogošća kao ugovorni organ je donijela Odluku o izboru najpovoljnijeg ponuđača broj: 07-11-1046/21, kojom je kao najpovoljniju ponudu u Otvorenom postupku nabavke radova na izgradnji distributivne gasne mreže na području MZ Vogošća I, u ulicama Krivoglavci I i II (III faza), na području općine Vogošća ocijenila ponudu ponuđača "Špic beton" d.o.o. Zenica, kao jedinu formalno-pravno ispravnu ponudu, sa ponuđenom ukupnom cijenom nabavke u iznosu od 58.542,00 KM bez uračunatog PDV-a, odnosno 68.494,14 KM sa uračunatim PDV-om.

U skladu sa tačkom 7.1.2. TD. izabrani ponuđač je u roku od 5 dana od dana zaprimanja Odluke o izboru najpovoljnijeg ponuđača bio dužan dostaviti na protokol ugovornog organa dokumentaciju iz člana 45. stav 2. Zakona, kojim se dokazuje vjerodostojnost date izjave, odnosno ispunjenje uslova iz tačke 7.1.1 TD i to:

- Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- Uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penzijsko-invalidsko i zdravstveno osiguranje;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze u vezi sa plaćanjem direktnih i indirektnih poreza.

Traženi dokumenti iz tačke 7.1.2. TD moraju biti originali ili ovjerene kopije i ne mogu biti stariji od tri mjeseca, računajući od dana dostavljanja ponude.

Također, u skladu sa Izjavom iz Aneksa 5 TD ponuđač je u istom roku bio dužan dostaviti Ugovor o poslovnoj saradnji za izvođenje mašinskih radova sa firmom koja je registrovana za izvođenje radova gasnih i plinskih instalacija, i posjeduje dokaze o ispunjavanju uslova tehničkih pravila-G 472 i GW 330 za izvođenje radova u skladu sa Pravilnikom o izmjenama i dopunama pravilnika o preuzimanju i primjeni tehničkih propisa za oblast projektovanja, građenja, puštanja u pogon, eksploatacije i održavanja postrojenja i instalacija prirodnog gasa ( "Službene novine Federacije BiH", broj 83/08, 04/12 i 83/15), original ili ovjerenu kopiju.

Krajnji rok za dostavu tražene dokumentacije po članu 45. Zakona o javnim nabavkama BiH zahtjevanom tačkom 7.1.1 TD i Aneksom 5 TD je bio 30.08.2021. godine, obzirom da je Odluka o izboru najpovoljnijeg ponuđača zajedno sa Obavještenjem o rezultatu postupka javne nabavke i Zapisnikom o pregledu i ocjeni ponuda ponuđačima koji su učestvovali u postupku dostavljena dana 23.08.2021. godine..

U ostavljenom roku izabrani ponuđač "Špic beton" d.o.o. Zenica je dostavio dokumentaciju traženu po članu 45. stav 2. Zakona, kojom se dokazuje vjerodostojnost date izjave u sklopu Ponude broj: 144-07/21 od 28.07.2021. godine.

Međutim, ponuđač "Špic beton" d.o.o. Zenica je propustio da dostavi dokumentaciju zahtjevanu Aneksom 5 TD (Ugovor o poslovnoj saradnji za izvođenje mašinskih radova sa firmom koja je registrovana za izvođenje radova gasnih i plinskih instalacija, i posjeduje dokaze o ispunjavanju uslova tehničkih pravila-G 472 i GW 330).

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka radova na izgradnji distributivne gasne mreže na području MZ Vogošća I, u ulicama Krivoglavci I i II (III faza), na području općine Vogošća, iz razloga jer nijedna od primljenih ponuda nije prihvatljiva, a u skladu sa članom 69. stav 2. tačka d) i članom 72. stav 3. tačka b) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Špic beton" d.o.o. Zenica
2. "Hik-Net" d.o.o. Sarajevo
3. Nadležnoj Službi
4. U dosije
5. a/a

032/456-147

033/436-860



OPĆINSKI NACELNIK

Edin Smajić